

UNIVERZITET U SARAJEVU  
FILOZOFSKI FAKULTET

Broj: 02-02/66

Datum: 5. 4. 2024. god.

UNIVERZITET U SARAJEVU  
FILOZOFSKI FAKULTET  
Odsjek za anglistiku

Vijeće Fakulteta  
5. 4. 2024. [signature]

Sarajevo, 25. 3. 2024.

---

Nastavno-naučnom vijeću  
Filozofskog fakulteta  
Ovdje

Predmet: Izveštaj o angažovanju stranog lektora za engleski jezik u studijskoj 2024/2025. godini na Odsjeku za anglistiku

Nastavnim planom i programom za prvi i drugi ciklus studija na Odsjeku za anglistiku predviđen je angažman stranog lektora. Strani lektor izvodi nastavu u sklopu predmeta Savremeni engleski jezik, koji je zastupljen na svim godinama studija.

Zvanje lektor podrazumijeva specifična znanja i vještine, zasnovane koliko na akademskim kvalifikacijama, toliko i na predavačkom i drugom iskustvu. Lektor radi na izgradnji jezičkih vještina, što se ostvaruje ne samo naprednim nastavnim tehnikama, već i korištenjem znanja koja proističu iz vrlo širokih područja djelovanja. Nastava koju izvodi je interaktivna, ali traži brižljivu koordinaciju i saradnju s predmetnim nastavnicima u smislu pedagoškog sadržaja, kao i teorijskog osnova. Nastava na lektorskim satima se, na svakoj godini studija i u svakom semestru, direktno vezuje za vještine koje se grade na nastavi koju na predmetu Savremeni engleski jezik izvode domaći predmetni nastavnik i saradnik, ali i za teorijska znanja koja se stiču na predmetima iz jezika (*morfologija, fonetika, morfosintaksa, sintaksa proste i složene rečenice*). Na drugom ciklusu studija se nastava izvodi u skladu s potrebama usmjerenja koja Odsjek za anglistiku ima, te se jezičke vještine usavršavaju na način i na nivou primjerenom za drugi ciklus studija.

Akademске kvalifikacije kandidata

Jakub Salihović je rođen, odrastao i školovao se u Velikoj Britaniji i izvorni je govornik engleskog jezika. Prvi ciklus studija završio je na Univerzitetu u Sheffieldu, uz jednu studijsku godinu provedenu na Univerzitetu u Hong Kongu. Diplomirao je 2014. i stekao zvanje *BA English Literature and Philosophy*, s vrhunskim uspjehom (*First Class Hons.*, u 5% najboljih studenata Univerziteta). Nakon toga je magistrirao na prestižnom University College London i stekao zvanje

*MA European Culture and Thought*, opet s vrhunskim uspjehom (*Distinction*). Uz engleski (izvorni govornik), govori b/h/s i francuski jezik.

#### Iskustvo u nastavi

Kolega Salihović bio je angažiran tri godine na Univerzitetu Aix-Marseille (Francuska), u zvanju lektora-predavača, a 2023/2024. na Odsjeku za anglistiku u zvanju stranog lektora. U nastavnom radu se bavi raznorodnim temama, od književne analize, odnosa roda i jezika, jezika i politike, do komunikacijskih vještina, kritičkog razmišljanja, akademskog pisanja i metodologije. Za značajan broj predmeta na kojima je imao priliku predavati je izrađivao silabuse koji su po sadržaju i načinu rada inventivni, svestrani i višestruko korisni. Predavao je i *engleski za posebne svrhe* (ESP) na Arhitektonskom fakultetu istog univerziteta, a prethodno je predavao i engleski za psihologe. U radu se koristi i različitim medijima, te ima iskustva s radom u velikim grupama, kao i s radom na daljinu.

#### Profesionalno iskustvo

Uz predavačko iskustvo, kolega Salihović je imao priliku i da povremeno radi u BiH i sav angažman je bio vezan za jezik: radio je za SFF, kao i za Internacionalni teatarski festival MESS. Istraživački se bavio i ljudskim pravima, ali uvijek uz jasnu vezu s jezikom; između ostalog, učestvovao je u radionici *Capturing Humanity* u Sarajevu, te bio koautor dokumentarnog filma koji se bavi savremenim problemima bosanskohercegovačkog društva iz perspektive traumatične prošlosti. Film je prikazan na filmskim festivalima *Pravo ljudski* i *Over the Rhine*. Kratko je radio i kao novinar za Face TV.

#### Objavljeni radovi

- Naučni: SALIHOVIC, J. (2019) *Aesthetics and Homeland: A theoretical close reading of Miodrag Zivkovic's monuments in Bosnia and Herzegovina*. *Architext* (Annul XXVI), septembar 2019. Rad predstavljen na konferenciji *East Centric Architectural Triennale* u Bukureštu, 2019.
- Stručni: Prevod uvodnog poglavlja, *SVJEDOČANSTVO JEDNOG VREMENA – ARHITEKT HAMDIA SALIHOVIĆ*, recenzirana knjiga u izdanju Arhitektonkog fakulteta Univerziteta u Sarajevu.


## Zaključak


Iz navedenog je vidljivo da kolega Jakub Salihović po svojim kvalifikacijama i iskustvu u potpunosti zadovoljava kriterije za angažman u zvanju stranog lektora. Uz vrhunske akademske kvalifikacije, kolega Salihović se bavi naučnoistraživačkim radom, ali ima i bogato i raznovrsno predavačko iskustvo. Sve to ga čini kandidatom čiji bi dalji doprinos Odsjeku i Fakultetu bio značajan. Kolega Salihović je britanski državljanin, a činjenica da je porijeklom iz BiH je dodatni kvalitet.

Shodno navedenom, predlažemo Filozofskom fakultetu da se Jakub Salihović angažira na Odsjeku za anglistiku Filozofskog fakulteta u zvanju stranog lektora i za akademsku godinu 2024/25.

Komisija:

  
prof. dr Amlra Sadiković

  
prof. dr Selma Đuliman

  
prof. dr Nejla Kalajdzisalihović

Izveštaj usvojen na <sup>be</sup>sjednici Odsjeka za anglistiku dana 5.4.2024. godine.

Voditeljica Odsjeka za anglistiku

  
prof. dr Selma Đuliman